

**ODLUKU
O DOPUNI ODLUKE O USVAJANJU KAPITALNIH
PROJEKATA IZ NADLEŽNOSTI MINISTARSTVA
KULTURE I SPORTA KANTONA SARAJEVO ZA 2024.
GODINU**

I

U Odluci o usvajanju kapitalnih projekata iz nadležnosti Ministarstva kulture i sporta Kantona Sarajevo za 2024. godinu Vlade Kantona Sarajevo ("Službene novine Kantona Sarajevo", broj 14/24) u tački I, podtačka 2 – Ekonomski kod 615100, Kapitalni transferi Gradu i općinama iz oblasti sporta, subanalitika MAI004, funkcionalni kod 081F, iza alineje 6, dodaje se alineja 7, koja glasi:

"- Općina Ilidža 1.100.000,00 KM

Projekat sanacije i tekućeg održavanja tribina na stadionu Sportskog centra Hrasnica JU KSIRC Ilidža "Sabit Hadžić".

II

Ostali dio teksta Odluke iz tačke I ove odluke, ostaje nepromijenjen.

III

Za realizaciju ove odluke zadužuju se Ministarstvo kulture i sporta Kantona Sarajevo i Ministarstvo finansija Kantona Sarajevo, svako u okviru svoje nadležnosti.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-23567-4/24

18. aprila 2024. godine

Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 10. stav (1) tačka g) i stava (2) Zakona o geološkim istraživanjima ("Službene novine Kantona Sarajevo", broj 41/12) i člana 2. stav (1) tačka g) Pravilnika o načinu i uslovima dodjele odobrenja za geološka istraživanja od interesa za Kanton Sarajevo ("Službene novine Kantona Sarajevo", broj 23/22), Vlada Kantona Sarajevo, na 21. sjednici održanoj 18.04.2024. godine, donijela je

**ODLUKU
O UTVRĐIVANJU POSTOJANJA JAVNOG INTERESA
KANTONA SARAJEVO ZA IZVOĐENJE DETALJNIH
GEOLOŠKIH ISTRAŽIVANJA ZA POTREBE
SANACIJE KLIZIŠTA NA LOKALITETU DŽAMIJE
ULOMLJENICA U ULICI SAGRĐIJE BROJ 42,
OPĆINA STARI GRAD SARAJEVO**

I

Utvrđuje se postojanje javnog interesa Kantona Sarajevo za izvođenje detaljnih geoloških istraživanja za potrebe izrade glavnog projekta sanacije i projekta monitoringa na lokalitetu džamije Ulomljenica u ulici Sagrdžije broj 42, općina Stari Grad Sarajevo, po zahtjevu Investitora Općine Stari Grad Sarajevo, Službe za investicije i komunalne poslove, broj 13/1-19-12-276/24 od 19.03.2024. godine.

II

Istražni prostor definisan je koordinatama prelomnih tačaka:

Tačke	Koordinate istražnog prostora	
	X	Y
AO1	6.535.006,828	4.857.728,406
AO2	6.535.010,199	4.857.731,850
AO3	6.535.024,923	4.857.756,753
AO4	6.535.009,665	4.857.765,702
AO5	6.534.997,377	4.857.760,048
AO6	6.534.995,620	4.857.763,189
AO7	6.534.994,084	4.857.763,456
AO8	6.534.988,361	4.857.760,775
AO9	6.534.994,102	4.857.746,389
AO10	6.534.998,405	4.857.741,419
AO11	6.534.999,494	4.857.737,398

Veličina predmetnog istražnog prostora je 722 m².

Obim i vrsta istražnih radova: inženjerskogeološka kartiranja, uzorkovanja i fotografiranja, istražno bušenje i geotehnička istraživanja (SPT), izvođenje istražnih raskopa, mjerenje pojave i nivoa podzemne vode, laboratorijska ispitivanja, obrada, analiza i interpretacija dobivenih podataka i rezultata sa elaboracijom. Navedeni geološki istražni radovi će se izvršiti u skladu sa "Projekt/program istražnih radova za izradu glavnog projekta sanacije klizišta i projekat monitoringa na lokalitetu Sagrdžije broj 42 - džamija Ulomljenica, općina Stari Grad Sarajevo", bez broja od januara 2024. godine, urađen od strane "Geo-InterMax" d.o.o. Tuzla.

Koordinate istražnih bušotina/raskopa su:

Bušotina/raskopa	Koordinate istražnih bušotina/raskopa	
	X	Y
B-1	6.535.012,354	4.857.740,981
B-2	6.535.017,992	4.857.752,651
R-1	6.535.010,344	4.857.740,363
R-2	6.535.010,917	4.857.744,702

III

Investitor, općina Stari Grad Sarajevo, Služba za investicije i komunalne poslove je u obavezi istražne radove vršiti u potpunosti u skladu sa Zakonom o geološkim istraživanjima ("Službene novine Kantona Sarajevo", broj 41/12), (u daljnjem tekstu: Zakon), a naročito u skladu sa čl. 33., 35., 40. stav (4), 45., 46., 47., 48. i 49. ovog Zakona, te zakonskim propisima iz oblasti zaštite ljudi i imovine, zaštite na radu, zaštite okoliša i drugim odnosnim zakonskim propisima.

IV

Shodno članu 5. stav (1) tačka g) Pravilnika o načinu i uslovima dodjele odobrenja za geološka istraživanja od interesa za Kanton Sarajevo ("Službene novine Kantona Sarajevo", broj 23/22), (u daljnjem tekstu: Pravilnik), Investitor Općina Stari Grad Sarajevo, Služba za investicije i komunalne poslove je obavezna, najkasnije u roku od 30 dana od dana pravosnažnosti Rješenja, započeti sa geološkim istraživanjima.

Rok za završetak istraživanja je 30 dana od dana početka istraživanja.

Shodno članu 5. stav (1) tačka h) Pravilnika i člana 49. i 50. Zakona, Investitor Općina Stari Grad Sarajevo, Služba za investicije i komunalne poslove obavezna je, najkasnije u roku od 30 dana od dana završetka istraživanja, dostaviti podatke o visini i obimu istražnih radova i visini ulaganja finansijskih sredstava u te radove, Ministarstvu privrede Kantona Sarajevo i Federalnom zavodu za geologiju.

Shodno članu 5. stav (1) tačka i) Pravilnika, Investitor Općina Stari Grad Sarajevo, Služba za investicije i komunalne poslove obavezna je, najkasnije u roku od 30 dana od dana